

ITERANIBA N AONON TE BETEBEKE

TE RONGORONGO MAN TE BERETITENTII N TE AONO

Ni Moantaa n te Moaningabong

Iroun Unimwaane Craig A. Cardon

Rongorongo man te Nu Tetemanti Riaon mangautin te Tia Kamaiu irouia taan koroboki n te euangkerio a bane ni moanaki ma taraakin te moaningabong

Mataio: "Ao ngke e toki te tabati, ngke e a bo mainiku *ni moani bongin te wiki*, ao e roko Nei Maria are te i-Maketara . . . ni kawara te ne ni mate."¹

Mareko: "Ao ngke e a bo mainiku *ni moani bongin te wiiki*, ao a roko n te ne ni mate ngke e a oti taai."²

Ruka: "Ao n te bong are te *moa ni bong n te wiki*, ngke e a tiba ngaina, a roko n te ne ni mate. . . ."³

Ioane: "Ao *ni moa ni bongin te wiki*, ao e roko n te ne ni mate Nei Maria te I-Maketara, ngke e a kani ngaina, ngke e ro, nakon te ne ni mate. . . ."⁴

Tera raoi te tai ae riki iai, e mataata man rongorongo aikai bwa te kakai ni mangautin te Tia Kamaiu e kamatoaki bwa e riki ni moaningabongin te Itita anne nakoia naake a Tangiria ao n rangin ni kaan ma ngaia.

Titita Cardon ao Ngai ti kaikawaia ara utu i Gilbert, Arizona, USA. Te bwai ae riki bwa e tei Gilbert n te tabo ae tei naba iai Ierutarem, iaon

Unimwaane
Craig A. Cardon



mataniwiin te aba. Are nanona bwa taai e "oti" iaon Gilbert ae kanga ti tebo ma te tai n te moaningabong are e oti iaon Ierutarem, e ngae ngke tebwina te tai te tioun rimwiina. Ma te bwai aei n au iango, inanon ririki aika mwaiti ngke ti maeka I Gilbert, Titita Cardon ao Ngai ti uti ngke e karangaina ni moaningabongin te Itita, "ngke e roo," ao ni kakaea te tabo ni mweengara ke n te tabo riki teuana are ti kona n noora iai te oraitan ae raroa. Ma te aki kakarongoa ti matakau ao ni kakauongo ngke te aonaaba ae katabibiira e moanna n anga otana n tai, ao tangin maan. Ti wareware n tainako man booki aika tabu iaon rongorongan kaotin te Tia Kamaiu tebwina te tai nakoia Ana reirei i Iteraera, imwiin Mangautina. Inanon ririki ake imwiina ngke I maeka n iteran te aonaaba ae kaokoro, e ngae ngke ti ataia bwa otin taai e oti n taai aika kakaokoro n taabo aika kakaokoro, ti teimatoa ni kekeiaki ni moantaa n uti ni karangainan te Itita anne ni matakuakina otin taai ao ni kakoaua utin te otawanin, aki toki n reke inanon booki aika tabu.

Ni katoai taai aikai ngkana ti wareki rongorongo man te Baibara, ao n rinanon naba taetae ni burabeti man Ana Boki Moomon n te bwai ae kakai ao ni mimitong aei, Tamnein te Uea e kaota ana kakoaua nakon tamneira bwa Iesu Kristo bon "te moan n uaa i buakoia aika matu";⁵ ae E uota ni koaua "te mangauti ibukia maa-te, ngkai boni ngaia are e na moani mangauti,"⁶ ni kamatoa ara kakoaua ae teimatoa bwa Mangautina bon



*E bia kamatoa
nakoimi Tamnein te
Uea n te Itita aei bwa
Iesu Kristo bon ara
Tia Kamaiu, Natin
te Atua, ao bwa ti
Rinanona n ti ngaia
ae ti na karekeia iai
koauan te mangauti
ao te kantaninga n te
maiui ae akea tokina
ma Tamara.*

te kakoaua mai ieta bwa Ngaiā bon Natin te Atua.

Ibukin Mangautina, irarikin ataakina bwa E tokanikai iaon te mate ibukiia natin te Atua ni kabane, ti ataia naba bwa E anga maiuna ibukin aia bure naake a kamwakura te onimaki n Arana, rairannano, karekei otenanti n Ana euangkerio, ao ni kekeiaki ni uaa te toki, ibukin aei a tokanikai iaon te mate n tamnei ao ni karekea te kakabwaia ae tia ni beritanaki n te maiu ae akea tokina.

Ni koauana, i Ierutarem, E kaoia Ana reirei bwa a na Buokia ao n taraiā “ba akea irikon te tamnei ao rina, n ai aron aika kam nori i Rou”⁷ (te tokanikai iaon te mate n rabwata ibukiia ni kabane), ngke a mena n te Aba ni Mari E kaoia aomata bwa ana karin baia Irarikina, ao n namakina mwiin taian neera ni baina ao ni wae-na, “bwa kam aonga n ataia bwa boni ngai Atuan Iteraera, ao Atuan aona-ab a ae bwanin, ao I a tia n tiringaki ibukin buren aonaaba”⁸ (a kamaiuaki man te mate n tamnei naake a rairi nanoia ao a korakora aia onimaki).

Aomata ao raora aika itiaki n Aanon te Betebekē aika kam tangiraki, e bia kamatoa nakōimi Tamnein te Uea n te Itita aei bwa Iesu Kristo bon ara Tia Kamaiu, Natin te Atua, ao bwa ti Rinanona n ti ngaia ae ti na karekea iai koauan te mangauti ao te kantaninga n te maiu ae akea tokina ma Tamara, bon au tataro ae mangori. ■

BWAII AIKA ANA TARAAKI

1. Mataio 28:1, kairaki katuruturuana.
2. Mareko 16:2, kairaki katuruturuana.
3. Ruka 24:1, kairaki katuruturuana.
4. Ioane 20:1, kairaki katuruturuana.
5. 1 I-Korinto 15:20.
6. 2 Nibwaai 2:8.
7. Ruka 24:39.
8. 3 Nibwaai 11:14.

Ataakina Bwa Ti Aki Maroaa

Iroun Catherine Vaughan

E rangin ni kaangaanga aron kabwarabwara te tai ae moan te kaangaanga ni maiura, e kona naba n riki bwa te bwai ae moan te tabu.


Taai aika kananokawaki are n tokina ti a bon tauniia uoman natira, ma imwiina e buokai ni karikirakea te onimaki iroun te Tama are i Karawa ao Iesu Kristo, ao ni kakoaua riki ana Mwakuri ni Kamaiu te Tia Kamaiu, ni katokii rawawatara.

N te 1998, kukureira, korakoran nanora, a onrake n te maiu natira ae 21 ana namwakaina e bwabwa. Rinanon namwakaina aika rootongitong ake imwiina, ara utu ake a rootaki n te nanokawaki, ao nanora aika maraki a karauaki irouwia utu, raoraora, ao irouwia kaain rarikira, aika a maiukina ni koaua ana reirei Aramwa are e taekinna nakoia aika itiaki bwa a na “... katokai iaoia rawawataia raoia, bwa aonga ni bebete; ... n tang ma ake a tang, ao ni karau nanoia ake a kainnanao karauan nanoia ...” (Motiaeae 18:8–9)

N te bong teuana, tabeua riri ki imwiin buan natira te aine ae ataei riki Brittany, e bua au tareboon. I onimakinna bwa e bon mena n te auti, ao n rokanaki n taabo aika I tataneiai iai, ma I aki kona ni kunea. Imwiin teuana te wiiki I iangoia bwa n na tarebonia au tia ibuobuoki n noria ngkana e a tia ni kabonganaaki au tareboon, rimwi iai ae a tia ni kunea n te tabo teuana. I aki toki n toma ma te oboreita i Wellington, te kaawa ae raroa ma are I maeka iai.

I kabwarabwara te kaangaanga, ao n tuatua ngkana e a tia ni kabonganaaki te tareboon. Te aine are I taetae ma ngaia e kamatoa bwa akea ae a tia ni kabongana man te tai are e bua iai, ao ti uaia ni kakoaua bwa te tareboon e bon mena n te tabo teuana ni mweengau. N tain te marooro, e titirakinira ngkana iai natira, ao e taku bwa temanna mai ibuakoia ae a tia ni karaba iaan te tabo n tekateka ke te kaintekateka te bai. I kaekaa ae bon iai natira aika itiman, ao e tuangai aia riki. Ngke I rinanon aia riri ki man ae ikawai nakon te kabanea n uarereke, I toki teutana imwain ae I taekinna ae ara kabanea n nati e na tia ni koro ngkai aua ana riri ki ngkai, ma e a tia ni mate uoua te riri ki n nako. Iai te aki karongoa n iteran te tareboon are teuana, imwiina e karaurau ni kaeka, “Taiaoka tuangai te bwai ae riki”.

I kabwarabwara raoi te bwai ae riki ma bwabwan Brittany, ao I ongo te karongoa n iteran te rain are teuana, n raonaki ma te tang ae karaurau. Te oboreita n te tareboon e tuangai ni karaurau bwa e a tia naba natina te mwaane ae uoua ana riri ki ni bwabwa naba tabeua riri ki n nako. E biriaitua inanon aia tabo n tei kaa, ngke e a bwaka, inanon te kaneinei. E bo atuna ngke e bwaka iaon tano ao ni bwabwa inanon te ran ae teuana te inti. Te bong are ti taetae iai bon te bong imwain koron ana riri ki ni mate, ao bon akea ana kaangaanga, ao n namakina te miimi.



Vision

To strengthen families and individuals by increasing faith and trust in Heavenly Father and in Jesus Christ and His Atonement

Objectives

1 Honour the Sabbath Day at Home and at Church

2 Increase Spiritual and Temporal Self-Reliance

3 Hasten the Work of Salvation

4 Seek the Blessings of the Temple

Goals

- Make the Sabbath a delight
 - Make the sacrament a source of strength
 - Increase sacrament preparation
 - Pay a full tithe
 - Seek learning opportunities through “Discovering”
 - Complete “My Family Home Tree” initiative
 - Increase baptisms and retain converts
 - Increase Aaronic and Melchizedek priesthood ordinations
 - Make “The Rescue” an individual and family focus
 - Invite youth and young adults to church
 - Complete “My Family History” project
- Karikirakean te onimaki ao te onimakinaki iroun te Tama are i Karawa ao Iesu Kristo ao Ana Mwakuri ni kamaiu**



Ti taetae inanon 45 riki te mini-ti ibukiia natira iaoia ara ataei aika kakawaki, ao te bwai ae rootiia ara utu. Aomata aika ianena, man kaa-wa aika kaokoro, ma maiuia aika

kaokoro, ma tiina aika uoman aika a rawawata nanoia, n tang ao ni kabuai natira. Ti uaia n tang. Ti uaia n tae-kin taeka ni karaunano. Ao ti uaia ni ngareakin ara iango aika burababa

n nanokawakira aika ti tebo aroia. Ti a tia ni uaia n tokanikai ni kataia ni kaoka te ikeike nakoia natira ake a tia ni mate, ao n iai ara titiraki ao tabeaiangara aika ti tebo, ao ni mii-mi ngkana ti a tia ni karaoa te bwai ae kaokoro, ae na tia ni karika te kaokoro.

Man tokin te tareboon ti uaia n namakina te kakaitau n reken ara tai ni marooro, ao ni kakorakoraira bon iroura. Mai ibuakoia obereita n te tareboon n te aba—I a tia n tomaaki ma te aomata ae tangiria n ongo au karaki, ao n tibwaua nano kawakina. Ti kakabwaiakaki man te atatai aei.

N te aonaaba are ti karaurau n iangoi iai kanoan ara bong, te Atua e atai rawawatara aika ti uouoti inanora, ao ni karau nanora ma te kakai ae uarereke.

I kunea au tareboon n te bong are imwiina, n te tabo raoi are I kakaea iai mai imwaina, ma I ataa bukina bwa akea kaokorona ma are I aki kaman kunea mai imwaina, ao n tokina au tareboon e tomaaki nakon te aomata are e uruaki naba nanona, ao are e kainnanoia n taetae nakon te tina temanna ae e oota n aekan te kaangaanga aei.

Ao inanon te tai ni karaunano ao ni boutoka te iruwa n iteran te rain are teuana—ngai naba I kakorakoraaki, ao ni karauaki nanou. Tiaki ti man n ana taeka, ao ana kaunganano, ma man te atatai are Tamara are i Karawa e kinaira n tatabemaniira nako. E atai kainnanora, ao te bwai ae tangiria nanora. I reiakinna bwa n te kabanea n rootongitong n tai inanon maiu, I aki tiku n ti ngai. I kona n onimakina te Tama are i Karawa ao Iesu Kristo bwa ana mena ikekei ma ngai ni kawaiu ni kabane ake n na toui. ■



TANNEIN ANGANANO MAN TABON TANGOBOKI N TE BWABIRIKI ABETI

Taan Anganano A Anganii Bootaki te Booro

Man ana Ruu ni Kaongora te Moomon

Man karoakin ana tabo ni bwa-tiketiboro te reirei nakon te kou uteute inanon te onaroka ibukiia kairake aika mwauku, "Baai n Ibuobuoki n te Moomon" a karoa mwiina ae korakora taan anganano iaoia bootaki ni kabuta te Betebeke

"Ti riai ni karekea te tangira ae raka riki nakoia tarira ao mwanera aika a rootaki ni kawai tabeua ao ibukira bwa ti na kakaai anga ni buokiia."

Maiaki n tokin te ririki ae nako.

Katikiraoan te enwaeromenta ao wakinan aia mwakuri n ibuobuoki bootaki a baireaki bwa ana karoaiki n te bong naba anne ni kabuta New Zealand, Australia, Papua New Guinea, ao aban te Betebeke Maiaki.

"Baai n Ibuobuoki n te Moomon" waorantiia i Suva a ibuobuoki n te Hilton Special School ibukiia ataei aika aoraki rabwataia ao aia iango i Biti.

Mataniwiin te reirei, Nei Nainise Ravisa, e kaota ana kakaitau nakoia taan anganano ibukin korean uteuten ana kaombwaun te reirei, benia-kin oon nen aia uee, ao n taea aia tabo ni kamarurung.

Isoa Ratuvukivuki ae onoua ana ririki, are e taea te kawai n rin, e

taku bwa e roko ma ana karo, ao a rangin ni kukurei ni mwakuri.

Willie Irava, te mitinare ngkoa, e taku bwa e rangi ni kukurei ni mwakuri.

"I namakina ae rangin n tamaroa ngke i buokiia raora aikai," e taku.

Talei Yabakivou, te tia kairiiri irouia Aika Itiaki ni Boong Aika Kaitira n te tabo, e taku, "I namakina te kananorinanoaki ngkai e kainnanoa ara ibuobuoki te reirei ao e anganai te kimwareirei ae korakora ni karoa te bwai teuana ibukiia.

"Ti riai ni karekea te tangira ae raka riki nakoia tarira ao mwanera aika a rootaki ni kawai tabeua ao ibukira bwa ti na kakaai anga ni buokiia." ■

E tau Arou?

Iroun Karina Burt

Angiia mai ibuakora ti a tia n titiraki n taai tabetai iaon ae e tau raoiroiu. I kona n iango n taai aika mwaiti ni maiu ngke I iangoia. Tabeua te namwakaina n nako, ao e butiaina au bwaoti n akea ataakina. Ngkai e kateirake te kambwana ibukin onean mwiina, I tuangaki bwa n na taua ana mwakuri n te tiim ni kakoroi mooti, n raonaki ma are bon au mwakuri. Teuana are I namakinna bwa bon tabeua riki te ririki imwain ae N na kona ni karekea. I aki namakinna bwa I tau, ao I aki kakoaua bwa N na kona n rinanona.

Temanna kaain te tiim ni kakoroi mooti e marooro ma ngai n te bong teuana, ao I tabeka raraomau. Ngai te tina ae akea buu, ni kaman ikakorakora ma te mwakuri ao natiu. Maiu e biribiri man te bwai teuana nakon teuana, n taainako n na rimwi, ao n taainako n na kua. Ma I karoia bukina bwa I riai ni karoia. I tuangnga bwa I aki tangira te bwai aei; I tuai n tuatua ibukin te bwai aei. N na kanga ni kabatia riki, ngkai I a kaman namakinna ae a riaon au konabwai?

Ana kaeka e kateai bwa N na iango. E taku bwa aki roko mwakuri iaon te raurau te tirewa ae kabaeaki n te kabae ae tikiraoi. Bon bwaai aika a mangaongao ae kainnanoa barongakiia raoi, ao ni karoia bwa te mwakuri. E kaungaai, n taku bwa I a kaman rinanona, ao I kona n tokanikai iai. E berita bwa n na tan rikaaki n tokin te tai, ao n tarai a bwa mwaitira rikirakeu.

Namwakaina akana aua aikanne a kaangaanga aroia. E a bon rangi n riaon au konabwai. I mwakuri ni

karokoa te nukanibong n angiin te tairiki. Ngai ma natiu ti anganano, ma e mwaiti riki ake ti karekei.

N te marooro n te maungatabu ae e a tibwa nako Unimwaane J. Devn Cornish e kauringjiira bwa ti na riai n aki katiiteboira ma tabemwaang. E taku: “Tina aki riai ni kamarakiira man waaki ni kaboo ke n katiitebo. Ti kairua ni motikii taekara aika a raraoi man bwaai aika ti karaoi ao aika ti riai n aki, ao man *aia iango tabemwaang*. Ngkana ti riai ni kabootau, ti na kabotau arora n taai ake ngkao nakon arora ake ngkai—ao riki bwa ti e na kanga arora ae ti tangiria nakon taai aika ana roko. Te iango teuana ae moan te kakawaki iroura bwa tera ana iango Tamara Are i Karawa ibukira. E kaungaira bwa ti na butiia Tamara are i Karawa ma nanora ae e itiaki bwa tera ana iango ibukira. E na tangirira ao ni kaetiira ma e aki kona ni kabwrai nanora; anne bon ana bwai ni kamwane Tatan.”¹

I iangoi kanoan booki aika tabu ma aia katooto aomata ake aki kakoaua bwa a tau aroia. I kona n ti iangoa aron ana namakin Nibwaai, ngke e tuangaki bwa e na kabaa te kaibuke n rinanon te marawa ae e bubura, ke tera ae e reke n ana iango Ita ngke e kataia ni kamwainga te maunga ae moan te bubura, ke aron ana namakin Moote ngke e mwane imarenaia I-Aikubita ma te ran ae moan te bubura, ni kataia ni kakaea te kawai ae a na maiu iai ana botanaomata. N na kona n tia n raraomaeakina arou ngkana I taku ibukin kaangaanga aikanne?

Amureki ngaia naba are e na titiraki ngkana e tau arona. E kariaia bwa ngaia ae noori ana waaki te Atua aika a kamimi, ma e kamatoa nanona

ao n teimatoa ni kakaitara te Uea.


Imwiin kakatai aika mwaiti ni karko iroun Amureki, te Uea e kanakoa te Anera are e roko iroun Amureki inanon ana tai ni mwamwananga. Te Anera e tuangnga bwa e na okira mweengana ao ni kamwarakea ana burabeti te Uea, are e a tia ni baki inanon boong aika a mwaiti.

Amureki e iangoia bwa e na ongotaeka. Ngke e oki, e kaitibo ma Aramwa, e kairia nakon mweengana, ao e kamwarakea. Aramwa e tiku irarikin Amureki teutana te tai, n te tai are a moanna aomata ni karaoi mwakuri aika moan te buakaka riki


Aramwa e tuangiia kaain Amonia bwa ana rairi nanoia, ma a bon aki kakoaua ana taeka. Amureki e taekina ana karaki, ni katauraoa te kauoua ni kakoaua nakon bwaai aika e a tia n tuangiia te Uea bwa ana reirei iaona. E titirakinaki Amureki irouia rooia ao taan moti ake a kataia ni kamwanea ma ana taeka. N ana kaeka, ana taeka a rangin ni korakora ao ni mataata are a un iai aomata ao ni bukina bwa e urua te tua. Temanna te rooia ae te tia kewe, Zeezrom, e moanna ni kakoaua Aramwa ao Amureki, e ngae n anne, angiia aomata a ukoukora kamaunaakiiia.

Buua ao aia ataei naake a kakoaua a kabuekaki n te ai. Aramwa ao Amureki a uotaki bwa ana matakua, “Ao ngke Amureki e noora marakiia aine ao aomata ake a kanaki n te ai, . . . e taku nakon Aramwa: Ti na kanga ni matakua n te aro ae aki riai aei? Ma ngaia ae ti na arora baira, mani kamwakura mwaakan te Atua are e mena iroura, ma ni kamaiuia man uran te ai.

“Ma e taku Aramwa nakoina: E kairai te Tammei bwa N na aki



Te bwai ae iai irouia mwaane aika korakora aikai inanon booki aika tabu bwa boni ngaia banna ni katooto n aron ae nanonaki n te kataaki.



arora baiu. . . Ngkai e taku Amureki nakon Aramwa: Nooria, tao a na bon kabuekira naba.”²

I miimi bwa tera ae rinanon atuun Amureki n te tai aei. E a tia n iangoia raoi bwa aio te bwai ae nanonna te Uea? Ke e taku n ana iango bwa e a tia ni bwaka, bwa e bon aki tau arona?

Nimaua te ririki n nako, I tiku n ti ngai ma te ataei, te teei ae tibwa nakonako, ao beebea n tarau aika a na kabwakaaki. N na karaoa au babaire bwa n na kanga ni karaoi. I aki kona ni kabotaua ma te aomata ae karaoa te bwai ae moan te kakamaaku are Aramwa ao Amureki a riai ni kakoaua nakon au kaangaanga, ma Ngai, n aron Amureki, e titirakina te Uea bwa n na teimatoa ni karaoa te bwai aei, ao n titiraki bwa bukin tera E aki kona ni kamaiuai man kataaki, bwa buki na bwa a rangin ni matoatoa ao ni matoatoa aron butimwaeakiia.

I matoatoa inanon te Ekaretia. Iai au reitaki ae tamaroa ma te Tama are i Karawa ao n ongotaeka. E ngae n anne, a mwaiti taai ake I aki namakinna bwa e raoiroi arou, ae n na aki kona ni karaoia, ke ngkana I karaoia, I titiraki bwa tera boona.

Unimwaane Cornish e tuangira bwa ti riai n tau. Ti ngkana ti aki kakaea bukina ke ni kaitara, ao ngkana ti kataia raoi, n raira nanora n tainako, ao ni bubuti ibukin ana nanoanga Kristo, ti na karekea te kakabwaia ao te mimitong ao te kimwareirei are e tangiria te Atua ibukiia natina ni kabane aika moan te kakawaki.

Te bwai ae iai irouia mwaane aika korakora aikai inanon booki aika tabu bwa boni ngaia banna ni katooto n aron ae nanonaki n te kataaki. Aki bwaru nanoia ngkana e a matoatoa. Aki kaitara ke ni kakaea bukina, ma reitinako ni kananorinanoira ao n

rairaki nakon te Uea, ao I kakoaua n raraoma ni mamaaraia.

E a tia te Uea n anganai tabeua kakaewenako inanon maiu ae I aki tangiri, ae I aki kakaitau ibukiia. E ngae n anne, irarikin are I namakinna bwa e tau raoiroi, ke n na karaoia, e buokai n tanrikaaki nakon te aomata are ngai ngkoia, ao ni kabotaua ma te aomata n te bong aei.

I namakinna bwa I teimatoa ni kainnanoa te Mwakuri ni kamaiu inanon maiu. Bon aron karekean te korakora ao te ibuobuoki ni karaoi bwaai ni kabane ake I kainnanoi ni karaoi. Ti aki kainnanoi bwa ti na “karekea” ke “n riai ni karekea” kamaiuara. Ti tii kainnanoi n teimatoa ni mwakuri n ana itera te Atua. ■

BWAAI AIKA A NA TARAAKI

1. J. Devn Cornish, “E Tau Arou? I Kona ni Karaoia?”, *Liahona*, Nobembwa 2016, 32.
2. Aramwa 14:10–12.

Rongorongoia Taan Mwakuri n te Ekaretia aika Boou "Moomon ao te Keei" Webutiaeite

Engae ngke I tuai n oota ni bwai ni kabane, I ataia bwa I aki riai n atai. Te bwai ae I tuangaki bwa N na karaoia bon te tangira n aron te Atua ae tangira."


Te rongorongo aei, ao a mwaiti riki n aekana, e kaairaki n rairan ae boou te "Moomon ao te Keei," te webutiate ae kinaaki n Ana Ekaretia lesu Kristo ibukiia Aika Itiaki ni Boong Aika Kaitira. Te tiaite aei e kamatoa koauana bwa, taeka man te boki ae tabu n ana boki Moomon, te Atua e "tangiriia natina" (1 Nibwaai 11:17), ao ni ukoukoria ni buokia ni kaotaia aomata ni kabane riki iaon te keei man te taratara n te euangkerio.

Moan taekan te webutiate aei ae kanakoaki n Ritembwa 2012 iaan atuna ae "Moomon ao te Keei." Atuuna ae kinaaki iai, "Moomon ao te Keei," e kaota koauana bwa e aki kainnanoia te aomata n rineia imarenaia uoman aomata aika ti tebo—temanna e kona, ni koauana, n riki bwa te keei ao n teimatoa n onimakin ana reirei Kristo.

Rongorongoia ao Taeka Mai Irouia Taan Kairiiri n te Ekaretia

Mormonandgay.lds.org e kaoti nimaua rongorongo man taratara aika irekereke ma aomata aika kakaokoro—n raonaki ma naake a taneiai ma te kaitataan ni mwaine, n raonaki ma aia utu, raoraoia ao taan kairiiri n te ekaretia. Karaki n tatabeua nako a onotia a kai rootaki ao n iai te kantaningai iai n tokina, ni kaota te kaangaanga ao te koaua ae aki koaua n rinanon te kaitataan ni mwaine ke n ataa temanna ae karaoia.

Te webutiaeite bon te "tabo ibukiia aomata ake a rootaki n te kaitataan ni mwaine are a kona ni kunea iai te kairi mai i karawa ni mwakuri rinanon



kakaewenako aika kaangaanga ngkai a teimatoa ni kakaonimaki nakon ana reirei te Ekaretia," e taku Unimwaane D. Todd Christofferson man te Kooram n Abotoro n te Tengaun ma Uoman. Te tiaite "e aki anga kabwarabwaraan raoi bwaai ni kabane ake a kaineti ni mwaine," e reitia, "ma e kaota aia namakin taan kairiiri n te Ekaretia bwa ti na kanga ni barongai arora imarenara ngkai ngaira bon mwakoron te utu n aomata."

N raonaki ma te karaki iroun are e riki nakoina, iai inanon te tiaite ae boou taeka ni kaunganano mairoun Unimwaane L. Whitney Clayton man te Beretitentii n te Itungaun. N taetae ni kaineti nakoia Aika Itiaki ni Boong Aika Kaitira aika a rinanon te kaitatan ni mwaine ao te aine ma te aine ke kinakiia ni keei, ni kaitataan ni mwaine, e taku Unimwaane Clayton, "Ti tangiria bwa kam na atia ae ti tangiri ngkami. Kam butimwaeaki. Ti tangiria bwa kam na riki bwa kaain ara taromauri ngkami. Iai ami tarena ao ami konabwai aika kam kona n anga nakon abanuean te Atua iaon te aba, ao ti kinau ami angabwai aika kakaawaki aika kam a tia ni karaoi."

Tera ana Koaua te Ekaretia Ibukin te Kaitataan ni Mwaine

Taan mamataku n te webutiaeite a kona ni kunei ana koaua te Moomon

aika bwainaki ibukin te kaitataan ni mwaine iaon tuua aika kakawaki, atuun te marooro ao te wokaburari ni buokiia Aika Itiaki ni Boong Aika Kaitira aika a tabe ma marooro aika raraoi iaon te rongorongo aei.

Koaua aika a kakawaki a raonaki ma bwaai aikai:

- Ti riai n tangiriia aomata ni kabane.
- Namakinan te kaitataan ni mwaine bon tiaki te bure, ao ti kona n rineia bwa ti na kanga ni kaekaa.
- Aomata aika a maiuakina ana tua te Atua a kona n ibuobuoki n Ana Ekaretia lesu Kristo ibukiia Aika Itiaki ni Boong Aika Kaitira.

Te tiektion n te onimaki a raonaki naba ma rongorongan ana babaire te Atua, korakoran mwaakan Kristo ni bitii naano, ao kinakira ae akea tokina ao kakawakira bwa boni ngaira natin te Atua.

Katabeakira ni Marooro Aika Raraoi iaon te Kaitataan ni Mwaine

Mwakoron te webutiaeite ake tabeua iai inanona titiraki aika aki toki ni kabonganaaki, kamataata iaon te wenenebure, iango ibukiia kaaro, kairi ibukin te kaeka nakon te nanokawaki ao te bakabure, ao rongorongo ibukin onimakinam bon iroum ao te kamataata iaon te kaitataan.

Teuana te titiraki e taekina aron kabonganakin te "kaitataan ni mwaine" irarikin te "keei." E taekinaki n te tiaite "te kaitataan ni mwaine bon te taeka ae bwa bwainaki ni kabwarabwara te taneiai n akea te kamataata n te koroboki. A tia taan kairiiri n te Ekaretia ni kabongana te taeka aei bwa e na kabonganaaki irouia aomata aika aki mwengaraoi ni kabongana te ara, n aki kariaia reken te keei, te kaitataan imarenaia aine, ke n tataana te mwaane ao te aine. ■

Reitaki: Bubuti ibukin te Kariaia ao Kakauongo

Man te LDS Mwakuri n Ibuobuoki n te Utu

Kakawakin te reitaki ni kawai aika
kuoua ma te Tama are i Karawa
e kakawaki ibukin te toronibwai
n tamnei ao n rabwata. Ti riai ni
bubuti te ibuobuoki mairoun te
Tama are i Karawa ae ongo aia
tataro Natina ni kabuta te aonaaba.
Ti bane ni kainnanoa te ibuobuoki
mai i karawa ao irouwia tabeman,
bwa ti na tokanikai n te mwananga
n te maiu

Karikirakean te reitaki ae raoiroi
ao te konabwai n reitaki ae taa-
bangaki bon reken te kukurei, te
reirei ao te mwakuri, te marurung
n rabwata, te nakoraoi n te iango,
ao kakoroan nanon te reitaki. Te
konabwai n reitaki ao ni bobo ma
aomata e irianaki ma: karaoan te
maroro; kakauongo ao te kama-
taata; katokan kauntaeka; buokaia
aika nanokawaki; aki nanokoko-
raki; te konabwai ni uaia n reitaki.
E reirei Iesu bwa koron bukina e
na roko man kakeakira ni mwakuri
ibukiia tabeman. Ma te beku ibukiia
tabeman, e tangira moa te konabwai
n reitaki nakoia tabeman.

Unimwaane Russell M. Nelson e
katuruturua kakawakin te kakau-
ngo, "E na kakabwaiakaki tamneim
ngkana ko reireiniko ni kakauongo,
ao ni kakauongo n reirei, mai irouwia
am ataei, am karo, kaain rarikim, ao
taan kairiiri n te Ekaretia, ake a na
bane ni karikirakea te konabwai n
ongo reirei mai i eta."

Te kakauongo ae nakoraoi bon
teuana te kabanea ni uarereke
ni kataneiai ao karikirakean te

konabwai n reitaki ma aomata. Te
kakauongo e raka riki nakon ae ti
te konabwai. E tangira te nano ni
koaua ao te nano ni kan ataia e ngae
ngke ti aki tangira ke ni kukurei n te
bwai ae ti ongo. Ti kainnanoia bwa
ti na kau titiraki nakon taraakin te
aonaaba man ana itera te aomata
are ti kakauongo nakoina.

Beretitenti Spencer W. Kimball
(1895–1985) e reireiniia taan kairiiri
kakawakin te kakauongo ni karekea

te oota, "Iesu e noora te bure bwa e
bure . . . ma e kona n noora te bure
ae rikirake man kainnano aika kor-
kora ao aika aki kona ni buokaki
man ana itera te tia bure. E kariaia
aio bwa e na butimwaea te bure,
n aki kabureia n tatabemania . . .
Ti riai ni kona n tarai raoi maiuia
tabeman n tarai bukin kabwakaia
ao aki tauia. Karekean te atatai riki
ae nano e tangira te kakauongo ae
nakoraoi. ■

